

百尺梧桐閣集

五

百尺梧桐閣集

百尺梧桐閣集卷六目錄

古今體詩

生日答豹人見贈二首

贈計甫艸

豹人定九醉白飲紅橋酒家遙和三絕句

汎舟口號二首

西莊燕餞在平王公入京

同仔園左嚴兄送在平公湖中遇風作

夏日刈園竹後同叔定家兄納涼

進艇同楊東子仔園左嚴叔定兩兄

立秋日友人見過

寄定九東原

雨不絕

河水決

地夜動

病櫻

贈醫士

寄懷舟次二兄客西江二首

詠鶴五首

促織

悶

養拙

月下讀書

康臣舍人自京寄詩見問依韻奉答二首

吳北海以詩見問閱半歲矣使者復來始有此

寄時除農部二首

九日不出和轡顧菴先生同豹人用重陽登高

爲韻四首

冒雨登康山限韻同顧菴先生二首

贈虎丘問上人

樓雨

送豹人游潛江兼呈幼萼明府

過安豐訪賓躋陋軒不遇

百尺梧桐閣集卷六
劉莊感舊

聞惟一學士假歸舟抵淮陰余不及待走筆寄之

舟過被水鄉邨紀事

歸舟

復愁二首

移居詩三首贈醉白

歲莫寄阮亭先生

百尺梧桐閣集卷六目錄終

百尺梧桐閣集卷六

揚州 汪懋麟



古今體詩

自戊申歲正月
起至十二月止

生日答豹人見贈二首

鸞飛滿院值芳辰，飄灑南鄰與北鄰。
回算從前好風景，亂書堆裏過青春。

漑堂門與山樓接，多謝逢人說項斯。
豈有尊前好詞句，漫張錦瑟唱鸞枝。

贈計甫艸

廣陵大都會，四方來衆賓。
林壑亦平衍，胡爲駐車輪。
此邦多商賈，統以鹽鐵臣。
澤麋蒙虎皮，攻取走萬人。

以此盛冠蓋街衢如雲屯而我性簡傲百中無一親
吳江有計子氣誼亦何真結交在長安與我別經春
儋簦歲莫來歡樂開心神中廚出雞黍爲君清埃塵
貽我一卷書冰雪良足珍抗志在刪述探源本周秦
文從五經出自然學問純中有經濟策名言浩無垠
豈若魯諸儒章句死逡巡惜哉遭禁錮有才未得申
有司重賦稅胥吏尤可嗔一錢遂放廢士林多苦辛
沉冤誰爲白無力通紫宸豈少同懷友致身要路津
饑餓不足救薦雄或有因分金亦云厚難救管仲貧
倚閭有老母久缺昏與晨來時積雪凍倏忽夏木新
依人古來難爲客多遭迤感激別我去執手淚霑巾

苦言不得志歸臥江水瀕丈夫賔適意雙眉何常顰
不如學信陵近色兼飲醇荒淫非至理吾道豈終淪
朝廷方重士徵聘勤咨詢博雅似吾子寧老巖下身
豹人定九醉白飲紅橋酒家遙和三絕句

輕陰黯黯戶常扃卻憶紅橋柳色青自料春風無絕
調聽歌卒不到旂亭

汴河畧比鑑湖瀕狂客難逢賀季真解得金龜重換
酒一時爭看幾詩人

晴隄楊柳綠於煙白版朱闌繫小船輪卻阮宣多飲
興逢鸞便解杖頭錢

汎舟口號二首

百尺樓閣集卷六
二
賸此斜陽放晚船
笙歌吹徹小橋邊
可憐一帶隋隄水
日費人家幾萬錢

沿城一路起樓臺
畫舫輕橈日日來
未到十年皆換主
埜棠猶向晚風開

西莊燕餞荏平王公入京

陽春二三月
江郭聞啼鶯
雲外一颿落
羣士歡相迎
登舟敘寒暑
斗酒聊共傾
兩岸綠楊樹
下映春水平
爲問此何時
來日逢清明
揚州風好游
此會無陰晴
是日微雨歇
波恬魚不驚
放船紅橋下
畫槳相從橫
人影亂流水
嘈嘈弦管鳴
但恨登臨礙
未慙山水情
高懷慕吳越
涉江采芳蘅
金焦肆游覽
海門觀長鯨

姑蘇盛歌舞朝朝吹玉笙
蘇虎丘道宋莫闔廬瑩
四月渡錢唐湖水方盈盈
菡萏未作粦桃柳不復榮
六橋半牧馬吳山久屯兵
唯有冷泉亭一泓常自清
再鼓吳興櫂還爲峴山盟
咎贇畱勝蹟流風誰足并
五月熏風涼駕言整歸旌
挂席返邳水攬轡趨神京
納言賴汲黯抗疏需匡衡
山川難久畱出處繫蒼生
師門誼良厚惜別心忼忼
江南七十子樂育多菁菁
懋也駑駘質敢與驂騑爭
空羣感一顧鞭策思長征
無由展驥足何能隨王程
試與同門友置酒前送行
六月過西莊朱荷閒綠英
中廚少豐膳度曲無新聲
飛觴達中夜平旦臨東城
錦纜牽彩鷁擊鼓兼鳴鉦

百尺村園集卷六
三
相送邵伯湖水執方彭彭百里沒廬舍三年無稻秔
河防屢衝決培築煩愚氓租稅莫能出水田誰得耕
浮人正滿眼民力眞惛惛吾師登掖垣久著折檻名
願言陳疾苦東南荷生成

同仔園左嚴兄送往平公湖中遇風作

送遠涉長湖湖波更綠鵠鵠與鷓鴣兩兩波中浴
挂席喜風正千里一時速屢月苦霖雨洪濤滿百谷
河源方四潰奔騰裂地軸中流風執張馮夸怒相蹙
倚蓬望高浪孤樹翻茅屋滿湖卷白練忽見前舟覆
篙師色如土檣櫓手不熟王郎撚鬚須屢轉亂心曲
仲兄艙底眠印天看鴻鵠平生懷坦坦寧遂飽魚腹

天心與善人反風到平陸奮身上湖隄壞道石相觸
風排浪頭惡水齧艸根禿跋涉多艱辛垢膩雙腳縮
風波頃刻閒行步動局促吾師泊前岸驚聞廢寢宿
寄書多慰勞嘉言比金玉達人慎幾微臨深常檢束
三復守身言吾徒永相勗

夏日刈園竹後同叔定家兄納涼

今年五六月雨腳時在目百艸俱爛死只益園中竹
擗條一丈長青陰四面覆長根禿地上行步動相觸
密葉坐層雲蓊匐殷深綠頗厭枝幹鱗森森如箭鏃
明月蔽中夜好風阻三伏鏟此庶快意荷鋤命童僕
卷曲爲之刪蔓衍爲之禿上有蠹蠹房下有螻螳族

百尺樓閣集卷六
四
翦除復灑埽此物盡驅逐蕭疏開心匈脫然釋拘束
哲兄有潔癖顧此慙幽獨納涼移石牀展書共我讀
攀嵇兼慕阮允矣傲流俗

進艇同楊東子仔園左嚴叔定兩兄

橋邊看渡馬柳下緩停船碧酒激波冷朱荷映日圓
回眸憐小妓按曲嬌絃弦衛玠人爭識牙檣晚更牽
立秋日友人見過

畏熱真成嬾新涼一啟扉
風蘭迎露長舊燕別巢歸
有客尋荒徑論詩到夕暉
自今催釀黍來往莫教稀
寄定九東原

安穩東原客幽居近若何
水光當戶少秋氣入林多

與婦謀雞黍。呼兒摘芰荷。那知城市裏。終日慎風波。
雨不絕

四月五月雨不絕。田家老農淚坐血。霹靂不時號令
乖。禾稼爛死飽魚鼈。衾裯換米日過午。那能租稅完
官府。城中廉吏雖父兄。胥吏征求執如虎。可憐酒肉
臭朱門。道旁今有餓死魂。叩看雨勢猶昏昏。

河水決

黃河衝決淮河邊。白馬湖中千尺浪。淮揚城郭雲氣
中。遠近田廬水光上。人行九陌皆流水。羸蚌紛紛滿
城市。築岸防隄急索夫。里中徭役齊追呼。富家出錢
貧出力。觸熱忍饑不得食。十日築成五尺土。明日崩

開十丈五

地夜動

戊申六月地夜動，萬瓦驚飛起。殘寢跂足不定，天地翻街市。千人萬人慟，江海之水皆倒流。泰山萼嶽空中浮，人生性命在頃刻。尊卑顛倒民何尤，天上太白方晝見。連月淫霖走雷電，已聞下令期減刑。我料天心庶幾厭。

病櫻

灼灼櫻桃樹，亭亭似青蓋。百錢初買時，正與春風會。開萼亦何繇，結實旣已大。珊瑚萬顆圓，坐坐密葉外。黃鳥時來窺，媮啄每多態。飽食苦內熱，小摘潤腸肺。

自謂千年根豈意一朝壞根本已先腐蟲螳聚穴內
惟餘半死葉秋風更凋敗曾聞薦寢廟金盤滿盛載
御苑賜大官恩寵冠寮案如何竟摧折顏色同艸芥
榮枯有至理無勞動吁怪

贈醫士

神僊不可求大道久云絕身無寒松堅常苦五情熱
自非鶴上人誰能疾病輟朽矣艸木根神農貽寶訣
種杏得吾子獨精鍊藥說時營紫河車遠采金光節
葛洪求丹砂弘景餐白雪真有不死術豈與韓衆別
而我性荒淫好道似劉徹無能吸瓊藥剪髮名利拙
賴君能起余束髮忝交結欲報千黃金此意終不滅